



TIMÓR LÉSTE

REPÚBLIKA DEMOKRÁTIKA TIMÓR LÉSTE

Xefe estadu: José Manuel Ramos-Horta

Xefe governu: Kay Rala Xanana Gusmão

Penálide de Morte: abolisionista ba krime sira hotu

Populasaun: miliaun 1.2

Esperansa ba Moris: tinan 62.1

Mortalidade labarik tinan 5 mai-kraik: 92/91 kada 1,000

Impunidade sei iha nafatin ba kriminozu lubuk ida ne'ebé komete violasaun direitus humanu durante okupasaun Indonézia entre 1975 no 1999. Polísia no forsa sira hetan alegasaun ba halo mal-tratamentu no uza forsa ho exessivu. Nivel violénsia doméstika nafatin ás maske iha ona lei kontra violénsia doméstika.

Lia-Dahuluk

Iha fulan Feveiru, mandatu Misaun Integradu UNO iha Timór-Léste (UNMIT) hanaruk tan ba tinan ida.

Polísia no forsa siguransa

Forsa Polísia Nasionál Timór Léste (Polísia Nasionál Timór Léste, PNTL) progresivamente simu hikas fali ona responsabilidade prinsipal polísia ian, no mekanizmu disiplinária internál PNTL dadauk ne'e hakbiit tan ona. Maske nune'e iha relatóriu barak fosai konabá violasaun direitu umanu husi pesoál polísia no forsa militar sira, inkluidu mal-tratamentu no utiliza forsa ho exessivu. Iha ne'ebá iha alegasaun mínimu 59 konabá violasaun direitus umanu ne'ebé involve pesoál polísia no 13 halo hosi forsa militar.

Sistema Justisa

Mekanizmu judisiál no akontabilidade nafatin fraku. Esforsu atu lori ema sira ne'ebé mak responsabiliza ba violénsia ne'ebé mosu iha 2006 hafoin un-tersu (1/3) husi forsa militar hetan espulsaun la'ó naneik tebes.

Iha fulan Marsu, ema nain 24 hetan ona kastigu ba sira-nia involvimentu iha kazu atake Prezidente no Primeiru Ministru iha fulan Feveiru 2008. Maibé, iha fulan Agostu Prezidente fó tiha perdaun ba sira nain 23, inkluidu lider eis-rebelde Gastão Salsinha. Organizasaun sociedade sivíl hato'o ona sira-nia preokupasaun katak perdaun hirak ne'e hamosu dúvida ba kredibilidade sistema justisa.

- Iha loron 26 fulan Marsu, Domingos Noronha (aka Mau Buti), eis milisia Mahidi ida hetan ona kastigu iha kadeia ba tinan 16 ba krime grave ne'ebé mak nia halo ona iha tinan 1999. Nia provadu ba akuzasaun tolu ba omisidio.

Violénsia kontra feto no labarik-feto

Iha fulan Maiu, Lei Kontra Violénsia Doméstika aprova, ne'ebé fó kadru-legál ida ba governu, polísia no comunidade hodi responde ba violénsia doméstika. Lei ne'e defini violénsia doméstika luan tebes hosi inklui violénsia fíziku, sexuál, psikolójika no ekonómia, no fornese apoiu balun tan ba vítima sira. Maibé, kazu violénsia doméstika barak mak nafatin rezolve liu-hosi mekanizmu justisa tradisionál ne'ebé la fo rekuperasaun tomak ba vítima. Nível violénsia doméstika nafatin ás.

Impunidade

Provedoria Direitu Humanus no Justisa Timór Lésté no Komisaun Nasionál Direitu Humanu Indonézia asina ona Nota de Intendementu iha fulan Janeiru hodi halo implementasaun ba rekomendasaun husi Komisaun Lia-los no Amizade (CVA) ne'ebé mak estabelese juntamente entre Indonézia-Timór Lésté no Komisaun Simu-malu, Lia-lós no Rekonsiliaun (CAVR). Kontiúdu relatóriu husi nota de intendimentu ne'e la fosai ba públiku.

Iha inísiu fulan Jullu, esbosu lei rua hodi kria Programa Reparasaun no "Instituto de Memória" nasionál ida ne'ebé iha mandatu atu implementa rekomendasaun husi CTF no CAVR, esbosu lei rua ne'e apresenta ona ba konsultasaun públiku. Parlamentu avistu ona iha orariu atu deskute lei rua ne'e iha fulan Setembru; maibé adia tiha ba too Feveiruru 2011.

Iha progresiu oitoan tebes iha atuasaun ba violénsaun sériu ba direitu humanu iha pasadu, inkluidu krime grave kontra humanidade, ne'ebé halo ona iha Timór Lésté durante okupasaun Indonézia (1975-1999). Prezidente Ramos-Horta rejeita eziensia husi NGO nasionál no internasionál sira konabá harí tribunal internasionál ida ba krime pasadu, maske nia hatete katak nia sei la kontra wainhira Konsellu Siguransa UNO deside atu harí tribunál ida ne'e. Ekipa Investigasaun Krime Sériu kontinua nafatin halo investigasaun ba violasaun sériu ba direitu humanu ne'ebé halo ona iha tinan 1999.

Relatóriu/vizita Amnesty Internasionál

Timór Lésté: Internasionál Criminal Court – Justice in the shadow (ASA 57/001/2010)